



BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON GORAŽDE  
MINISTARSTVO ZA OBRAZOVANJE, NAUKU,  
KULTURU I SPORT

BOSNIA AND HERZEGOVINA  
FEDERATION OF BOSNIA AND HERZEGOVINA  
BOSNIAN-PODRINJE CANTON GORAŽDE  
MINISTRY OF EDUCATION, SCIENCE,  
CULTURE AND SPORT

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
БОСАНСКО-ПОДРИЊСКИ КАНТОН ГОРАЖДЕ  
МИНИСТАРСТВО ЗА ОБРАЗОВАЊЕ, НАУКУ,  
КУЛТУРУ И СПОРТ

---

Broj: 10-38-1937-2/13

Goražde, 07.06.2013. godine

Na osnovu člana 77. Zakona o srednjem obrazovanju i odgoju ("Službene novine BPK Goražde", broj: 10/11), te na osnovu Odluke o upisu učenika u I razred srednjih škola za školsku 2013/14 broj: 03-38-974/13 od 06.06.2013. godine, Ministarstvo za obrazovanje, nauku, kulturu i sport o b j a v l j u j e:

### K O N K U R S

#### za upis učenika u prvi razred srednjih škola sa područja Bosansko-podrinjskog kantona Goražde za školsku 2013/14. godini

Konkurs za upis učenika u prvi razred srednjih škola u školskoj 2013/14. godini traje:

- za Mješovitu srednju školu "Enver Pozderović", Srednju tehničku školu "Hasib Hadžović" i Srednju stručnu školu "Džemal Bijedić" Goražde ( za IV stepen) od 07.06.2013. godine do 17.06.2013. godine.
- za Srednju stručnu školu "Džemal Bijedić" Goražde ( za III stepen ) od 07.06.2013. godine do 21.06.2013. godine.

Kandidati koji konkurišu u Mješovitu srednju školu "Enver Pozderović", Srednju tehničku školu "Hasib Hadžović" i kandidati koji konkurišu za zvanja IV- og stepena u Srednju stručnu školu „Džemal Bijedić“ Goražde **po la ž u** prijemni ispit.

Kandidati koji konkurišu u Srednju stručnu školu "Džemal Bijedić" III- eg stepena **ne po la ž u** prijemni ispit.

#### **PRIJEMNI ISPIT U MJEŠOVITOJ SREDNJOJ ŠKOLI "ENVER POZDEROVIĆ"** u prvom upisnom roku obaviti će se u sljedećim terminima:

- **Gimnazija**  
**18.06.2013.** godine u 9<sup>00</sup> sati pismeni ispit za Bosanski jezik i književnost  
**19.06.2013.** godine u 9<sup>00</sup> sati pismeni ispit iz matematike
- **Poljoprivredni tehničar – EU VET program**  
**18.06.2013.** godine u 11<sup>00</sup> sati pismeni ispit iz biologije  
**19.06.2013.** godine u 11<sup>00</sup> sati pismeni ispit iz hemije

**PRIJEMNI ISPIT U SREDNJOJ TEHNIČKOJ ŠKOLI "HASIB HADŽOVIĆ"  
u prvom upisnom roku obaviti će se u sljedećim terminima:**

- **Hemijski tehničar – biotehnološkog smjera**  
**18.06.2013.** godine u 11<sup>00</sup> sati pismeni ispit iz biologije  
**19.06.2013.** godine u 11<sup>00</sup> sati pismeni iz hemije
- **Građevinsko-arhitektonski tehničar –kombinovano EU VET program**  
**18.06.2013.** godine u 9<sup>00</sup> sati pismeni ispit iz fizike  
**19.06.2013.** godine u 9<sup>00</sup> sati pismeni iz matematike
- **Elektrotehničar računarstva i informatike**  
**18.06.2013.** godine u 9<sup>00</sup> sati pismeni ispit iz fizike  
**19.06.2013.** godine u 9<sup>00</sup> sati pismeni iz matematike

**PRIJEMNI ISPIT U SREDNJOJ STRUČNOJ ŠKOLI "DŽEMAL BIJEDIĆ"  
u prvom upisnom roku obaviti će se u sljedećim terminima:**

- **Tekstilni tehničar- dizajner odjeće EU VET program**  
**18.06.2013.** godine u 9<sup>00</sup> sati pismeni ispit iz Bosanskog jezika i književnosti  
**19.06.2013.** godine u 11<sup>00</sup> sati pismeni iz hemije

**KRITERIJI ZA PRIJEM UČENIKA  
U PRVI RAZRED SREDNJIH ŠKOLA BPK GORAŽDE**

**OPĆE ODREDBE**

**Član 1.**

Pravo upisa u prvi razred srednjih škola imaju učenici sa završenom osnovnom školom koji nisu stariji od 18 godina u momentu upisa.

**Član 2.**

U prvi razred srednjih škola učenici se upisuju u skladu sa Planom upisa učenika koji na prijedlog Ministarstva za obrazovanje, nauku, kulturu i sport donosi Vlada Bosansko-podrinjskog kantonaGoražde.

Upis učenika provodi posebna komisija koju imenuje Školski odbor škole.

Direktor srednje škole, na prijedlog komisije iz stava (2) ovog člana, utvrđuje preliminarnu rang-listu učenika za prijem u prvi razred.

Preliminarnu rang-listu direktor srednje škole objavljuje na oglasnoj tabli škole, sa jasno istaknutom napomenom da je na istu dopuštena žalba u roku od dva dana od dana njenog objavljivanja.

Odluku o žalbi donosi školski odbor.

Konačnu rang-listu svih kandidata i učenika primljenih u prvi razred, utvrđuje školski odbor i objavljuje je na oglasnoj tabli škole.

### **Član 3.**

Prijem-upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inozemstva, kao i za strane državljane i osobe bez državljanstva u skladu sa Zakonom o srednjem obrazovanju i odgoju.

### **Član 4.**

Izbor kandidata za upis u srednju školu vrši se na osnovu ovih Kriterija koji su obavezni sastavni dio Konkursa za upis učenika u prvi razred srednjih škola.

Konkurs za upis učenika u prvi razred srednjih škola u Bosansko- podrinjskom kantonu Goražde objavljuje se putem sredstava informisanja najmanje dva mjeseca prije početka školske godine.

U slučaju da u konkursnom roku iz prethodnog stava neke škole ne popune planirana mjesta, raspisuje se naknadni konkurs i to najkasnije 15 dana prije početka školske godine.

**Za školsku 2013/2014 godinu naknadni konkurs će se objaviti 26.06.2013. godine i trajće do 28.06.2013. godine za sve srednje škole IV- og stepena, dok će za Srednju stručnu školu „Džemal Bijedić“ Goražde III stepen konkurs trajati od 26.06.2013. do 05.07.2013. godine.**

### **Član 5.**

Kandidati koji konkurišu u gimnazije, tehničke i srodne škole i umjetničke škole u prvom konkursnom roku polažu prijemni ispit koji nije eliminatoran (osim stručnog dijela ispita– praktičnog rada u umjetničkim školama), a čiji rezultati ulaze u ukupan broj bodova svakog kandidata.

Kandidati koji konkurišu u srednje stručne škole trećeg stepena ne polažu prijemni ispit.

### **Član 6.**

Detaljne informacije o mjestu i vremenu predaje dokumenata, mjestu i vremenu polaganja prijemnog ispita objavljuju se na oglasnoj tabli svake škole.

### **Član 7.**

Pravo konkurisanja u naknadnom upisnom roku u škole koje u prvom konkursnom roku nisu popunile planirana mjesta imaju svi učenici koji nisu primljeni u školu u koju su prethodno konkurisali ili iz opravdanih razloga nisu konkurisali u prvom upisnom roku.

## Član 8.

Za prijavu na konkurs za upis u prvi razred srednje škole kandidat je dužan predati sljedeća dokumenta:

- zahtjev za upis,
- svjedočanstvo o završenom VIII razredu osmogodišnje, odnosno IX razredu devetogodišnje osnovne škole (original),
- uvjerenje o uspjehu u V, VI i VII razredu osmogodišnje, odnosno VII i VIII razredu devetogodišnje osnovne škole,
- izvod iz matične knjige rođenih i
- druga dokumenta relevantna za utvrđivanje broja bodova po kriterijima.

## Član 9.

Prijem učenika u gimnazije, tehničke i srodne škole i umjetničke škole vrši se na osnovu:

### a) PRVI KONKURSNI ROK

- općeg uspjeha kandidata postignutog u V, VI, VII i VIII razredu osmogodišnje, odnosno VII, VIII i IX razredu devetogodišnje osnovne škole,
- uspjeha iz predmeta značajnih za odgovarajuću školu, koji su utvrđeni u članu 11. ovih Kriterija
- rezultata postignutog na prijemnom ispitu za odgovarajuću školu i
- rezultata postignutih na kantonalnim, te takmičenjima na nivou entiteta u BiH, BiH, kao i na međunarodnim takmičenjima.

### b) DRUGI KONKURSNI ROK

- općeg uspjeha kandidata postignutog u V, VI, VII i VIII razredu osmogodišnje, odnosno VII, VIII i IX razredu devetogodišnje osnovne škole,
- uspjeha iz predmeta značajnih za odgovarajuću školu, koji su utvrđeni u članu 11. ovih Kriterija
- rezultata postignutih na kantonalnim, te takmičenjima na nivou entiteta u BiH, BiH, kao i na međunarodnim takmičenjima.

## Član 10.

Za kandidate koji konkurišu u gimnazije, tehničke i srodne škole, broj bodova po osnovu rezultata na prijemnom ispitu i uspjeha u osnovnoj školi se utvrđuje se na slijedeći način:

### a) PRVI KONKURSNI ROK

Kod osmogodišnje osnovne škole bodovanje se vrši na slijedeći način: Rezultat prijemnog ispita boduje se sa maksimalno 30 bodova (zbir bodova postignutih na polaganju prijemnog ispita iz dva predmeta posebno značajna za odgovarajuću vrstu srednje škole i opći uspjeh u V, VI, VII i VIII razredu osnovne škole sa maksimalno 20

bodova, (zbir prosječnih ocjena svedenih na dvije decimale u V, VI, VII i VIII razredu osnovne škole), a uspjeh iz predmeta posebno značajnih za odgovarajuću školu sa maksimalno 50 bodova (zbir ocjena u VII i VIII razredu osnovne škole iz dva predmeta posebno značajna za odgovarajuću vrstu srednje škole – član 11. ovih pravila, se pomnoži sa brojem 2,5).

Kod devetogodišnje osnovne škole bodovanje se vrši na slijedeći način: Rezultat prijemnog ispita boduje se sa maksimalno 30 bodova (zbir bodova postignutih na polaganju prijemnog ispita iz dva predmeta posebno značajna za odgovarajuću vrstu srednje škole i opći uspjeh u VII, VIII i IX razredu devetogodišnje osnovne škole sa maksimalno 20 bodova. (zbir prosječnih ocjena svedenih na dvije decimale u VII, VIII i IX razredu osnovne škole se pomnoži sa brojem 1,33), a uspjeh iz predmeta posebno značajnih za odgovarajuću školu sa maksimalno 50 bodova (zbir ocjena u VIII i IX razredu osnovne škole iz dva predmeta posebno značajna za odgovarajuću vrstu srednje škole – član 11. ovih Kriterija, se pomnoži sa brojem 2,5).

## **b) DRUGI KONKURSNI ROK**

Kod osmogodišnje osnovne škole bodovanje se vrši na slijedeći način: Rezultati općeg uspjeha u V, VI, VII i VIII razredu osnovne škole sa maksimalno 70 bodova (zbir prosječnih ocjena svedenih na dvije decimale u V, VI, VII i VIII razredu osnovne škole se pomnoži sa brojem 3,5), a uspjeh iz predmeta posebno značajnih za odgovarajuću školu sa maksimalno 30 bodova (zbir ocjena u VII i VIII razredu osnovne škole iz dva predmeta posebno značajna za odgovarajuću vrstu srednje škole - član 11. ovih Kriterija, se pomnoži sa brojem 1,5).

Kod devetogodišnje osnovne škole bodovanje vrši na slijedeći način: Rezultati općeg uspjeha u VII, VIII i IX razredu osnovne škole se boduju sa maksimalno 70 bodova (zbir prosječnih ocjena svedenih na dvije decimale u VII, VIII i IX razredu osnovne škole se pomnoži sa brojem 4,66, a uspjeh iz predmeta posebno značajnih za odgovarajuću školu sa maksimalno 30 bodova (zbir ocjena u VIII i IX razredu osnovne škole iz dva predmeta posebno značajna za odgovarajuću vrstu srednje škole - član 11. ovih Kriterija, se pomnoži sa brojem 1,5).

### **Član 11.**

Prijemni ispit sadrži provjeru znanja iz određenih predmeta i boduje se po vrstama škola kako slijedi:

<b>VRSTA ŠKOLE</b>	<b>Provjera znanja iz predmeta</b>	<b>Maksimalan broj bodova</b>
GIMNAZIJA, EKONOMSKA I SRODNA ŠKOLA	Bosanski/hrvatski/ srpski jezik	15
	Matematika	15
	<b>UKUPNO:</b>	30
TURISTIČKA ŠKOLA	Strani jezik	15
	Turistička geografija	15
	<b>UKUPNO:</b>	30
ADMINISTRATIVNO- PRAVNA ŠKOLA	Bosanski/hrvatski/ srpski jezik	15
	Strani jezik	15
	<b>UKUPNO:</b>	30

MEDICINSKA, POLJOPRIVREDNA, ŠUMARSKA, BIOTEHNIČKA I SRODNA ŠKOLA	Hemija	15
	Biologija	15
	<b>UKUPNO:</b>	30
HEMIJSKA TEHNIČKA I SRODNA ŠKOLA	Hemija	15
	Fizika	15
	<b>UKUPNO:</b>	30
TEKSTILNA TEHNIČKA I SRODNA ŠKOLA	Bosanski/hrvatski/ srpski jezik	15
	Hemija	15
	<b>UKUPNO:</b>	30
MAŠINSKA, ELEKTROTEHNIČKA, PROMETNA, GRAĐEVINSKA I SRODNA ŠKOLA	Matematika	15
	Fizika	15
	<b>UKUPNO:</b>	30

### Član 12.

Kandidat koji konkuriše za upis u umjetničke škole polaže prijemni ispit. Praktičan rad na prijemnom ispitu je eliminatoran.

Program polaganja prijemnog ispita u umjetničkoj školi, način bodovanja i drugi relevantni podaci i obavještenja objavljuju se na oglasnoj tabli škole, s tim da je pored sadržaja stručnog dijela ispita kojeg utvrđuje škola svojim aktom, obavezno polaganje prijemnog ispita iz bosanskog/hrvatskog/srpskog jezika koji se boduje kao i kod drugih srednjih škola sa najviše 15 bodova.

### Član 13.

Prijem učenika u stručne škole vršit će se na osnovu:

- općeg uspjeha kandidata postignutog u V, VI, VII i VIII razredu osmogodišnje, odnosno VII, VIII i IX razredu devetogodišnje osnovne škole,
- općeg uspjeha iz predmeta značajnih za upis u određenu školu (struku) u VII i VIII razredu osmogodišnje, odnosno VIII i IX razredu devetogodišnje osnovne škole, i
- rezultata postignutih na kantonalnim, federalnim, državnim i međunarodnim takmičenjima.

### Član 14.

Za kandidate koji konkurišu u stručne škole ukupan broj bodova se utvrđuje tako da se rezultati općeg uspjeha u V, VI, VII i VIII razredu osmogodišnje osnovne škole boduju sa maksimalno 80 bodova (zbir prosječnih ocjena svedenih na dvije decimale u V, VI, VII i VIII razredu osnovne škole se pomnoži sa brojem 4), a rezultati uspjeha iz predmeta značajnih za struku sa maksimalno 20 bodova (saberu se ocjene uspjeha iz dva predmeta značajna za struku postignute u VII i VIII razredu osnovne škole), dok se kod devetogodišnje osnovne škole broj bodova utvrđuje tako da se rezultati općeg uspjeha u VII, VIII i IX razredu devetogodišnje osnovne škole boduju sa maksimalno 80 bodova (zbir prosječnih ocjena svedenih na dvije decimale u VII, VIII i IX razredu osnovne škole se pomnoži sa brojem 5,33), a rezultati uspjeha iz predmeta značajnih za struku sa maksimalno 20 bodova (saberu se ocjene uspjeha iz dva predmeta značajna za struku postignute u VIII i IX razredu osnovne škole).

## Član 15.

Predmeti značajni za zanimanja u okviru određene struke, koji se boduju pri upisu u stručne škole utvrđeni su kako slijedi:

<b>STRUČNA ŠKOLA- STRUKA</b>	<b>NAZIV PREDMETA</b>	
Mašinska	Matematika	Fizika
Elektrotehnička	Matematika	Fizika
Drvnoprerađivačka	Matematika	Fizika
Saobraćajna	Matematika	Fizika
Građevinska	Matematika	Fizika
Šumarska	Biologija	Hemija
Poljoprivredna	Biologija	Hemija
Prehrambena	Biologija	Hemija
Trgovinska	Bosanski/ hrvatski/ srpski jezik	Strani jezik
Ugostiteljska	Bosanski/ hrvatski/ srpski jezik	Strani jezik
Hemijska	Hemija	Fizika
Administrativna	Bosanski/ hrvatski/ srpski jezik	Strani
Tekstilna	Bosanski/hrvatski / srpski jezik	Hemija
Uslužne djelatnosti	Bosanski/ hrvatski/ srpski jezik	Hemija

## Član 16.

Za jedno od osvojenih mjesta na kantonalnom takmičenju učenika osnovnih škola dobije se sljedeći broj bodova:

- za osvojeno prvo mjesto 3 boda
- za osvojeno drugo mjesto 2 boda
- za osvojeno treće mjesto 1 bod.

Za jedno od osvojenih mjesta na takmičenju učenika osnovnih škola na nivou Federacije BiH i BiH dobije se sljedeći broj bodova:

- za osvojeno prvo mjesto 4 boda
- za osvojeno drugo mjesto 3 boda i
- za osvojeno treće mjesto 2 boda.

Za jedno od osvojenih mjesta na međunarodnom takmicenju učenika osnovnih škola dobije se sljedeci broj bodova:

- za osvojeno prvo mjesto 5 bodova
- za osvojeno drugo mjesto 4 boda
- za osvojeno trece mjesto 3 boda.

Ukupan broj bodova koje učenik dobije na osnovu takmičenja iz ovog člana ne može preći 10 bodova, s tim da se boduju samo takmičenja koja su zvanično organizirana na nivou Kantona, Federacije BiH, BiH i to iz predmeta matematika, fizika, strani jezik, informatika, a za umjetničke škole i takmičenja iz okvira te struke.

U tehničkim školama, pored navedenog, boduju se i rezultati u okviru takmičenja pod nazivom "Smotra tehničkog stvaralaštva" koje je organiziralo Ministarstvo.

## **Član 17.**

Kandidat koji je u osnovnoj školi Bosansko-podrinjskog kantona Goražde iz koje dolazi proglašen učenikom generacije ne podliježe Kriterijima za prijem i upisuje se u željenu školu bez polaganja prijemnog ispita, odnosno bodovanja po ovim Kriterijima.

Od polaganja prijemnog ispita oslobađaju se učenici koji su imali odličan uspjeh iz svih predmeta od V do VIII razreda osmogodišnje osnovne škole, odnosno od VII do IX razreda devetogodišnje osnovne škole, te primjerno vladanje, kao i učenici sa poteškoćama u razvoju koji su pohađali osnovnu školu po prilagođenom nastavnom planu i programu.

Za kandidate iz drugih kantona koji su proglašeni učenikom generacije po kriterijima koji su u skladu sa kriterijima za izbor učenika generacije Bosansko-podrinjskog kantona Goražde, tj. po kriterijima na osnovu kojih se bira samo jedan učenik generacije škole, a koje je donijelo nadležno ministarstvo, primjenjuje se stav 1. ovog člana.

## **Član 18.**

Za svakog kandidata koji konkuriše za prijem u prvi razred srednje škole utvrđuje se broj bodova po osnovu rezultata navedenih u članu 10., 11., 13., 14., 15 i 16. ovih Kriterija.

Za upis u gimnaziju učenik po svim osnovama mora imati minimalno 70 bodova.

Za upis u ostale škole u kojima se polaže prijemni ispit učenik po svim osnovama mora imati minimalno 60 bodova.

## **Član 19.**

Ako je učenik završio osnovnu školu u inostranstvu i ako nema predmeta u VII i VIII razredu koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta tog razreda (aritmetička sredina).

Prednost pod jednakim uslovima iz ovih Kriterija imaju djeca sa teškoćama u razvoju i djeca koja ispunjavaju uslove utvrđene Zakonom o dopunskim pravima boraca –branitelja i članova njihovih porodica.

**MINISTAR**

*Dževad Adžem*